

VENDIM
Nr. 489, datë 24.7.2024

**PËR RISHPËRNDARJEN E NUMRIT TË PUNONJËSVE ORGANIKË NË
INSTITUCIONET QENDRORE PËR VITIN 2024**

Në mbështetje të nenit 100 të Kushtetutës dhe të nenit 12, të ligjit nr. 97/2023, “Për buxhetin e vitit 2024”, të ndryshuar, me propozimin e ministrit të Financave, Këshilli i Ministrave

VENDOSI:

1. Numri i punonjësve të Ministrisë së Financave reduktohet me 6 (gjashtë) punonjës, duke e çuar numrin e përgjithshëm të punonjësve 3 232 (tre mijë e dyqind e tridhjetë e dy) veta.
2. Numri i punonjësve të Ministrisë së Ekonomisë, Kulturës dhe Inovacionit shtohet me 6 (gjashtë) punonjës, duke e çuar numrin e përgjithshëm të punonjësve 4 008 (katër mijë e tetë) veta.
3. Rishpërndarja e numrit të punonjësve bëhet efektive pas miratimit të strukturave përkatëse.
4. Ngarkohen Ministria e Financave dhe Ministria e Ekonomisë, Kulturës dhe Inovacionit që, brenda datës 1 tetor, të miratojnë ndryshimet strukturore.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Belinda Balluku